

Na osnovu člana 212. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", br. 69/07 i 2/08) i člana 210. Poslovnika o radu Doma naroda Parlamenta Federacije Bosne i Hercegovine ("Službene novine Federacije BiH", br. 27/03 i 21/09), Parlament Federacije Bosne i Hercegovine na sjednici Predstavničkog doma održanoj 2015. godine i na sjednici Doma naroda održanoj 2015. godine, donio je

AUTENTIČNO TUMAČENJE
ČL. 17. i 22. ZAKONA O UNUTRAŠNJOJ TRGOVINI
(„Službene novine Federacije BiH“, broj 40/10)

1. Na osnovu člana 17. stav (1) Zakona nadležni organ će po zahtjevu stranke donijeti Rješenje o promjenama podataka bitnih za rad i poslovanje trgovca.
2. Nadležni općinski organ kao datum prestanka obavljanja trgovačke djelatnosti po sili zakona će uzeti vrijeme kada je neosporno utvrdio postojanje jednog od razloga navdenih u članu 22. od tačke a) do tačke e)."
3. Autentično tumačenje predstavlja integralni dio teksta ovog zakona, te se shodno primjenjuje od stupanja na snagu Zakona o unutrašnjoj trgovini u "Službenim novinama Federacije BiH".

PF broj: _____/15

_____ 2015. godine

Sarajevo

Predsjedavajuća
Doma naroda
Lidija Bradara, s.r.

Predsjedavajući
Predstavničkog doma
Edin Mušić, s.r.

O B R A Z L O Ž E N J E

I PRAVNI OSNOV

Pravni osnov za podnošenje ove inicijative, kao i primjenu autentičnog tumačenja sadržan je u članu 210. stav 2. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH”, br.69/07 i 2/08), kao i članu 205. Poslovnika Doma naroda Parlamenta Federacije Bosne i Hercegovine ("Službene novine Federacije BiH", br. 27/03 i 21/09), koji propisuju da Vlada Federacije BiH može biti podnosilac prijedloga za davanje autentičnog tumačenja zakona ili drugog akta odnosno da autentično tumačenje zakona ili drugog akta donosi Predstavnički dom Parlamenta Federacije Bosne i Hercegovine, odnosno Dom naroda Parlamenta Federacije Bosne i Hercegovine.

II RAZLOZI ZA POKRETANJE INICIJATIVE

Članom 17. stav (1) Zakona o unutrašnjoj trgovini definisano je da nadležni organ donosi rješenje kojim se odobrava osnivanje trgovačke radnje (ako su ispunjeni uslovi iz člana 16. , ili rješenje kojim se zahtjev odbija, u skladu sa Zakonom o upravnom postupku, u roku od 15 dana od dana prijema urednog zahtjeva. Obzirom da u toku obavljanja djelatnosti nastupaju različite okolnosti (promjene podataka ili uslova), zbog kojih je neophodno mijenjati rješenje, logično je da se sve izmjene rješenja rade po istim odredbama Zakona o upravnom postupku kao i rješenje kojim se odobrava obavljanje trgovačke radnje, ili rješenje kojim se zahtjev odbija.

Obzirom da je članom 22. stav (3) kojim je definisan prestanak obavljanja trgovačke radnje, propisano da se obavljanje trgovačke djelatnosti ne može odjaviti unazad, te da je iz pobrojanih okolnosti u članu 22., kada Rješenje o odobrenju za osnivanje trgovačke radnje prestaje važiti po sili zakona, jasno da se te okolnosti mogu utvrditi samo naknadnim uvidom u relevantnu dokumentaciju i kontrolom na terenu, može se zaključiti da će općinski organ uprave kao datum prestanka obavljanja djelatnosti po sili zakona uzeti vrijeme kada je neosporno utvrdio postojanje jednog od razloga navdenih u članu 22. od tačke a) do tačke e).

III FINANSIJSKA SREDSTVA

Za realizaciju ovog autentičnog tumačenja nije potrebno izdvojiti sredstva iz Budžeta Federacije Bosne i Hercegovine.

